



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 1. Sui secura dormit.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

TITULUS VII. FIDUCIA IN DEUM.

§. I.

Sui secunda dormit.

Terram, in qua dormis, tibi dabo. Gen. 28. 13. Quis? ut urbem occupet, non excubet? & tamen regni Jacob, & rerum potitur quiescendo. Quod si eam possidet terram, in qua obdormit; quam nos felicitus dominatum nostrae carnis, quae terra est, inibimus; si non illi excubemus anxij, sed generose indormiamus, ad quem somnum nos Christus, & avium garricu, & mollitudine liliorum, provocavit. Quis autem in lilio non cubet? aut inier luscias non sopiatur? Pl. 54. 23. *Facta super Dominum curam tuam, & ipse te eructet.* Fallimur, si tunc caelo spes nostras committimus, cum ros ex eo defluit. Tunc te pendere in DEO volo; cum te ab eo desertum, spretumque, putaris. Ibi Jacob indormit, ubi non hortus, non gramen, non thoros, erat. Saxum solum praesto erat in cervicali, & dormit. Oliva l. 1. Strom. hic. Tangitur hic fructus vitae contemplativae. Terra enim haec, patria coelestis est, in qua erit perfecta quies. Unde in hac terra debet caput nostrum, id est, mens, tanquam in pulvinari, quiescere; ut quies sit a terrenorum cura. Hanc dabit nobis DEUS, si in ea per contemplationem, & desiderium, conversamur. Joannes Geminiani lib. similitud. cap. 8.

Dilasaberis ad occidentem, & orientem &c. Gen. 28. 14. Hoc audit Jacob, non cum fratrem supplantat, aut parentem fallit; sed, cum in soporem resolutus, DEUM videt innixum scale. Id. ib. Sensus est, quasi ideo donet, quia dormit, quia nullam temporalium curam gerit. S. Chrysost. hom. 54. in Gen.

Putabam, nos ligare manipulos &c. Gen. 37. 7. Obvenere tum manipuli inclinati, & obsequentes stellae, Josepho adolescenti, sed dormienti. Oliva l. 1. Strom. ibidem.

Vidi somnium; & videbatur mihi quasi submericus panis ex hordeo volvi &c. Judic. 7. 13. Quod se, suaeque, magis DEO, caeloque, commiserit Dux, eo majorem de hoste referet victoriam. Oliva lib. 1. Strom. ibid.

Factum est igitur in nocte illa. 4. Reg. 19. 35. Caesa Assyriorum in tenebris castra, quo tempore Israelitae quiescebant. Tum potissimum pro rege pugnaverunt Coelites, cum Ezechias non tam in suo strato, quam in DEO suo, recumbebat. Quod si arcus somno, melius, quam pugna, servantur; quid de Ecclesia fiet? quam seu in Eva, seu in navi, adumbratam putemus; fateamur necesse est, & in fluctibus a dormiente Salvatore vindictam, & a paradiso a dormiente Adam enatam. Id. ib.

In pace in idipsum dormiam, & requiescam. Pl. 4. 9. An ideo aucta res Davidis

dormientis? imò multum amplificata. Revivuit, non languit, in sopore ipse; nam subjicit: *quoniam tu Domine singulariter in spe constituisti me.* Quis non DEO votum dicat militandi, cujus stipendia mereri licet quiescendo? Bene de DEO meritis es, si diu dormisti. Id. ib.

Non contristabit justum. &c. Prov. 12. 21. Quia scit, se, suaeque, esse DEO curae. Quare in paterna ejus cura suaviter requiescit. Cornelius hic.

Ego dormio, & cor meum vigilat. Vox dilecti mei pulsantis. Cant. 5. 2. Ubi fortissimi Israel Salomoni adstant? in arce? an in tentorio? aut throno suo? Audio Cant. 3. 7. *en lectulum Salomonis* &c. gladij pullulant e plumis. Docemus; tutiores nos nunquam fore, quam in quiete dormientis in DEO animi. Munitor thoros est Salomonis, quam turris David: in hac arma defensiva, clypei; ibi offensiva, & defensiva. Oliva l. 1. Strom. ante citatus.

Ipse vero dormiebat. Matth. 8. 24. Exprimatur securitas potestatis; quod omnibus timetibus solus intrepidus quiescebat. S. Ambrosius in c. 8. Lucae.

Genius quasi fessus, & sopore lassus, incubat anchorae. Lem, *fuat fessis.* Habebis fiduciam proposita tibi spe, & defessus securus dormies. Job. 11. 18.

§. II.

Fiducia in DEUM vincit omnia ardua.

In te eripiar a tentatione, & in DEO meo transgrediar murum. Pl. 17. 30. Ignavos, & pusillanimes, lapis magnus, & nonnunquam parvus a DEI itinere revocat. Baradius D. Paschatis.

Justus, quasi leo, confidens absq. terrore erit. Prov. 28. 1. Aptè justus comparatur leoni; quia leo, ut dicitur Prov. 30. 30. *fortissimus bestiarum, ad nullius pavent occurrum.* Plinius l. 8. cap. 36. invalidissimum urso caput, quod leoni fortissimum. Sic justus omne robur habet in capite, id est, mente, voluntate generosa, & amore DEI armata. Vidimus leonem, in quem immissi canes venatici, & molossi; cum unus eum fronte apprehenderet, alij auribus, alij cauda, alij dorso, alij pedore, immotum persistere: ac cum jam planè canibus circumdatus esset, singulos pedibus complecti; ac omnes ex ordine, a primo ad ultimum, singillatim discerpere; eà facilitate, & quiete, quae chartam laceramus. Cornelius hic.

Dixeris monti huic &c. Matth. 17. 16. Myticè mons, est gravis tentatio, ut docet S. Hieronymus; quae maxime vincitur fide, & spe; putà orando, sibi diffidendo, & fidendo DEO

Fff 3